



«ՀԱՅԱՍՏԱՆԸ ԲՈԼՈՐ ՀԱՅԵՐԻ ՀԱՅՐԵՆԻՔՆ Է, ԵԿԵ՛Ք ՀՉՈՐԱՑՆԵՆՔ ԱՅՆ»

- [Նորություններ](#)»
- [Հոդվածներ](#)
- [Հարցազրույցներ](#)
- [Հայրենադարձներ](#)
- [ՆԱԽԱՐԱՐՈՒԹՅԱՆ ԾՐԱԳՐԵՐ](#)»
- [Մեր մասին](#)

14/02/2016 ["Սփյուռք" ամառային դպրոց](#), [Հարցազրույցներ](#), [Գլխավոր](#) [No comments](#)

«Համատեղ ուժերով միայն՝ կարող ենք արդյունքի հասնել»։Միեր Հովհաննիսյան



ՀՀ սփյուռքի նախարարությունը Երևանի պետական համալսարանի հետ համատեղ 2016 թվականին շարունակում է «Սփյուռք» ամառային դպրոց» ծրագիրը: Նախապատրաստական աշխատանքների, ծրագրում կատարված փոփոխությունների ու նորությունների շուրջ է [«Հայերն այսօր»](#) հարցազրույցը ԵՊՀ Հայագիտական հետազոտությունների ինստիտուտի փոխտնօրեն, պ.գ.թ. «Սփյուռք ամառային» դպրոց ծրագրի նորանշանակ ղեկավար Միեր Հովհաննիսյանի հետ:

-Պարոն Հովհաննիսյան, ստանձնելով «Սփյուռք» ամառային դպրոց ծրագրի ղեկավարի պաշտոնը, ի՞նչ նոր «շունչ» եք փորձելու հաղորդել ծրագրին:

-ԵՊՀ-ի գլխավոր նպատակը ՀՀ սփյուռքի նախարարության հետ համատեղ հայապահպանությանը նպաստող այս կարևոր ծրագիրը հավուր պատշաճի և պատվով իրականացնելն է:

2016 թվականին «Սփյուռք» ամառային դպրոցում գործելու են դասընթացներ հինգ ուղղություններով՝ նախկին 6-ի փոխարեն: Դրանք են՝ «Հայոց լեզվի արագացված ուսուցում», «Հայոց լեզվի և պատմության ուսուցիչների, կրթական գործի կազմակերպիչների վերապատրաստում», «Երիտասարդ առաջնորդների և համայնքային գործի կազմակերպիչներ», «Լրագրողների վերապատրաստում», «Ազգային երգի ու պարի վարպետություն»:

Նախկինում առանձին էր իրականացվում «Երիտասարդ առաջնորդների» և «Համայնքային գործի կազմակերպիչների» դասընթացները:

Ծրագրի արդյունավետությունը բարձրացնելու նպատակով՝ այդ ուղղությունները միավորել ենք: Այս տարի նախատեսվում է ընդունել շուրջ 285 մասնակից:

Կարծում եմ՝ համատեղ ուժերով կարող ենք արդյունքի հասնել: Այս հարցում, անշուշտ, մեծ դեր ունեն ոչ միայն դասախոսներն ու ծրագրի կազմակերպիչները, այլև հենց իրենք՝ սփյուռքահայ մեր հայրենակիցները: Առանց փոխըմբռման՝ չենք կարողանա հաջողության հասնել: Մասնակիցները պետք է գիտակցեն, որ Հայրենիքում իրենց մասնագիտական վերապատրաստություն անցնելու հրաշալի առիթ է ընձեռված, որի շնորհիվ նոր հմտություններ ձեռք բերած՝ կվերադառնան իրենց բնակության վայրեր և կկիրառեն այն՝ ի նպաստ հայապահպանության և մատաղ սերնդի դաստիարակության: Ուստի, ակնկալում ենք մասնակիցների իսկապես նպատակային ընդգրկվածություն:

-Դասընթացների կազմակերպման առումով նորություններ նախատեսվո՞ւմ են:

-Բովանդակային առումով 5 դասընթացները երկու մասի են բաժանված՝ կրթական և մշակութային-հասարակական:

Կրթական մասով ձգտելու ենք դասընթացները բարձր մակարդակով կազմակերպել: Փոխանցելու ենք այնպիսի գիտելիքներ, որոնք մասնակիցներին իսկապես անհրաժեշտ են: Նախորդ տարիների համեմատությամբ այս տարվա նորությունն այն է, որ հնարավորիսս շատ մասնագիտական առարկաներ են դասավանդվելու: Իսկ ոչ մասնագիտական առարկաները կլինեն կամընտրական. այսինքն՝ լինելու են պարտադիր և կամընտրական առարկաներ:

Կամընտրական առարկաների թիվը յուրաքանչյուր դասընթացում 4-ն է լինելու: Մինչև Հայաստան գալը մասնակիցներին հնարավորություն կընձեռվի նախապես ընտրել 4 կամընտրականից իրենց նախընտրած 2 առարկաները:

Մյուս կողմից աշխատանքներ ենք տանում, որ հնարավորություն լինի արդեն ծրագրի ավարտից հետո տանը շարունակելու ամառային դպրոցի կրթական վերապատրաստումը: Մեր կողմից Սփյուռքի նախարարությանը ներկայացվել են հայագիտական ուղղվածության

հեռաուսուցման համալսարանական եռամսյա ծրագրեր։ Նպատակն է ավելի նպաստել մեր մասնակիցների ուսումնական առաջընթացին։ Թերևս հեռաուսուցման համակարգը 2017թ.-ից լիարժեք մաս կկազմի ծրագրին, սակայն մենք արդեն հնարավորություն ենք ստեղծել, դպրոցի սահմաններից դուրս, ցանկացողներին Յայոց պատմության շուրջ նման ծրագրի մասնակցելու (տե՛ս <http://www.armin.am/am/herausucum>):

Ինչ վերաբերում է մշակութային միջոցառումներին, այս տարի ևս առիթ ենք ստեղծելու, որ մասնակիցների հանգստյան օրերը հետաքրքիր և բովանդակալից անցնեն։ Դասընթացներից հետո կկազմակերպվեն այցելություններ պատմամշակութային վայրեր, հանդիպումներ կլինեն հասարակական, քաղաքական, մշակութային գործիչների և հոգևոր այրերի հետ։

Այն սփյուռքահայերը, ովքեր նախկինում չեն մասնակցել «Սփյուռք» ամառային դպրոցի դասընթացներին, գրանցման ժամանակ նշելու դեպքում, նրանց համար կապահովվի գիշերակացն ու կեցությունը։ Նախորդ տարիների մասնակիցները նույնպես կարող են անվճար մասնակցել ծրագրի կրթական մասին, սակայն այս դեպքում չի ապահովվի նրանց գիշերակացն ու կեցությունը։

Խրախուսական մրցանակներ ենք սահմանելու յուրաքանչյուր դասընթացի այն լավագույն մասնակիցների համար, որոնք կորոշվեն ծրագրի վերջում ստուգարքի միջոցով։

Հավելեմ նաև, որ ամառային դպրոցի կրթական որակները բարձր պահելու համար հավաստագրեր տրվելու են միայն այն մասնակիցներին, ովքեր կկատարեն իրենց կողմից նախապես ընտրված գործնական աշխատանքը և այն կստանա հանձնաժողովի դրական գնահատականը, ինչպես նաև դասընթացի ժամանակ չեն ունենա երեքից ավելի բացակայություն։

–Փետրվարի 10-ին ՀՀ սփյուռքի նախարարությունում տեղի ունեցած Լրագրողների համահայկական համաժողովները համակարգող խորհրդի նիստին ասացիք, որ շեշտն առավելապես դրվելու է գործնական աշխատանքների վրա։ Կմանրամասնե՞ք։

–Ճիշտ եք։ Ավելացել է գործնական աշխատանքների բաղադրիչը, որին մեծ ուշադրություն է դարձվելու։ Հենց տեղում, գործնական աշխատանքերի միջոցով ստուգվելու է մասնակիցների կարողություններն ու հմտությունները, ինչպես նաև դասընթացի ընթացքում ստացած գիտելիքների պաշարը։

Գործնական աշխատանքների շնորհիվ մենք որոշելու ենք դասընթացների արդյունավետությունը, իսկ մասնագիտական հանձնաժողովները ստուգարքի միջոցով՝ մասնակիցների գիտելիքները։ Բոլոր դասընթացները անցկացվելու են ԵՊՀ-ում։

–Այլ փոփոխություններ նախատեսվո՞ւմ են ծրագրում։

–Իհարկե։ Իբրև նորամուծություն, այս տարի կիրառվելու է կամավորների սկզբունքը. ի՞նչ է այն ենթադրում։ Երբ ծրագրին մասնակցող սփյուռքահայ հայրենակիցները, հիմնականում երիտասարդները, ամռանը գալիս են Յայաստան, ցավոք, իրենց հասակակիցների հետ չեն կարողանում նույն կրթական ձևաչափում ծանոթանալ, քանի որ այդ շրջանում մեծամասնությունը արձակուրդի մեջ է լինում։

Այստեղ օգնության ձեռք են մեկնելու մեր կամավորները: ԵՊՅ-ի բարձր կուրսերի ուսանողներից բոլոր խմբերին կկցվեն երեք կամավոր: Նրանք ոչ միայն մասնակցելու են դասընթացներին, փորձի փոխանակումներին, այլև յուրօրինակ կամուրջ են հանդիսանալու ՀՀ սփյուռքի նախարարության, ԵՊՅ-ի և ծրագրի մասնակիցների միջև: Պատմամշակութային վայրեր այցելությունների ժամանակ կամավորները ներկայացնելու են տվյալ վայրերը, փորձելու են լուծել ընթացքում առաջացող հարցեր:

Նշեմ նաև, որ ընտրված ուսանողները մասնագիտական տեսանկյունից որոշակիորեն համապատասխանելու են տվյալ ուղղության դասընթացներին:

-Տեղյակ եմ, որ արդեն գործում է «Սփյուռք» ամառային դպրոցի պաշտոնական կայքը՝ www.dss.am: Ինչպե՞ս առաջացավ նման կայք ստեղծելու գաղափարը:

-Կայքի ստեղծումն այն նորամուծություններից մեկն էր, որ ներկայացրել էինք նախարարությանը: Մտածեցի, որ այս կարևոր նշանակություն ունեցող ծրագիրը պետք է ունենա իր սեփական «դեմքը», ինչը խիստ նպատակային է: Ամբողջ աշխատանքն իրականացվել է ԵՊՅ Հայագիտական հետազոտությունների ինստիտուտի «Վիրտուալ հայագիտության և տեղեկատվության» բաժնի աշխատակիցների մասնակցությամբ, որը հավելյալ միջոցներ չի պահանջել:

Եռալեզու՝ հայերեն, ռուսերեն և անգլերեն կայքի հիմնական նպատակը ծրագրին մասնակցել ցանկացող սփյուռքահայ հայրենակիցներին դպրոցի գործունեության մասին մանրամասն տեղեկություններ հաղորդելն է:

Կայքում նյութերը թարմացվում են նաև ՀՀ սփյուռքի նախարարության կողմից տրամադրվող տեղեկատվական նյութերով և մամուլի հրապարակումներով:

Հայտադիմումներն ընդունվում են էլեկտրոնային տարբերակով, որը կարելի է լրացնել՝ մուտք գործելով վերոնշյալ կայքի «Դպրոց» բաժնի հինգ դասընթացներից յուրաքանչյուրի ենթակայքում գտնվող «Գրանցվել» բաժինը:

Հայտերի ընդունման վերջնաժամկետ է սահմանված 2016 թվականի մայիսի 31-ը: Կայքը հնարավորություն է տալիս, որ մասնակիցները հայտադիմումների մեջ ներբեռնեն երաշխավորագրերը և գրավոր լրացնելուց հետո ուղարկեն համապատասխան էլեկտրոնային փոստերին:

Կայքի «Հրապարակումներ» բաժնում մասնակիցները կկարողանան օգտվել մասնագիտական գրականությունից, դասախոսություններից, դիդակտիկ և մեթոդական նյութերից: «Դիտել» բաժնում ներկայացվելու են նախորդ տարիների մասնակիցների լուսանկարներն ու ծրագրին առնչվող տեսանյութերը: Կայքը Youtube-ում և Facebook-ում նույնպես իր էջերն ունի:

– Նոր առարկաների ուսուցում նախատեսվում է:

-Այո՛, առարկաների լուրջ փոփոխություններ են կատարվել: Նախորդ տարիների փորձը և մասնակիցների պահանջներն ու առաջարկները հաշվի առնելով՝ պարտադիր առարկաների ցանկում կընդգրկվեն այնպիսի առարկաներ, որոնք մասնակիցներին մասնագիտական

հմտություններ կփոխանցեն և վերաորակավորման նոր հնարավորություններ կընձեռեն:

Կարևորել ենք նաև այն հանգամանքը, որ մասնակիցները հնարավորություն ունենան ստացած գիտելիքները կիրառել նաև Հայրենիքում:Այդ նպատակին է ծառայելու «Իրավական հիմնահարցեր» առարկան, որպեսզի սփյուռքահայր Հայաստան գալուց առաջ իրագեկված լինի իր իրավունքներին, տիրապետի գործող օրենքներին:

Պարտադիր առարկաներին զուգահեռ մասնակիցները հնարավորինս շատ հայրենաճանաչողական առարկաներ կուսանեն:

Դասընթացների մասնագիտական հիմնական ներուժը ապահովելու են ԵՊՀ-ի դասախոսները: Օգտագործվելու են նաև ժամանակակից տեղեկատվական տեխնոլոգիաների հնարավորությունները:

Ծրագրի մասնակիցները առիթ կունենան ծանոթանալու «Բարձրագույն կրթությունը Հայաստանում՝ ԵՊՀ-ի օրինակով» խորագիրը կրող նյութին:Ներկայացվելու են Հայաստանում իրականացվող կրթական ծրագրերը, տեղի ունեցած բարեփոխումները, գործող կրթօջախների աշխատանքները, որոնց կիզակետում է լինելու ԵՊՀ-ն: Այս առարկայի ուսուցումը նպատակ ունի օգնելու հայաստանյան բուհերում ուսումը շարունակել ցանկացող սփյուռքահայերին տեղեկացված լինել և կողմնորոշվել:

-Պարո՛ն Հովհաննիսյան, խնդրահարույց էր ՀՀ սփյուռքի և կրթության և գիտության նախարարությունների կողմից իրականացվող Սփյուռքի ուսուցիչների վերապատրաստման հարցը: Ինչպե՞ս հանգուցալուծվեց այն:

-Այս տարի ավարտին կհասցվի նաև ՀՀ սփյուռքի նախարարության «Սփյուռք» ամառային դպրոցի «Հայոց լեզվի և պատմության ուսուցիչների, կրթական գործի կազմակերպիչների վերապատրաստում» և ՀՀ Կրթության և գիտության նախարարության Սփյուռքի ուսուցիչների վերապատրաստման ծրագրի դասընթացների միավորման գործընթացը:

Երկու գերատեսչություններն էլ գիտակցում են պետական ծրագրի կարևորությունը, որն էլ ենթադրում է՝ համատեղ ջանքերով ձևավորված կառուցողական մթնոլորտում արդյունավետ գործակցություն:Ամենայն հավանականությամբ այս երկու ծրագրերը կմիավորվեն:

Հարցազրույցը՝ Գևորգ Չիչյանի



Վերադառնալ լրահոսին

-
-
-